

MAHMUD G‘AZNAVIY TARIXIY FAOLIYATI BILAN BOG‘LIQ AYRIM QARASHLAR.

*Denov Tadbirkorlik va Pedagogika
Instituti “Tarix mamlakatlari va
Yo‘nalishi “ bo‘yicha 13-T23 guruh
Talabasi **Do‘stmurodov Bahodir.**
Email com: Bahodir7981 gmail.com.*

*Denov Tadbirkorlik va Pedagogika Instituti
”Tarix malakatlari va Yo‘nalishi”bo‘yicha
14T23 guruh Talabasi **Ashurov Sodiqjon.**
Email com: sodiqjonashurov536@gmail.com.*

*Denov Tadbirkorlik va Pedagogika instituti
“Tarix mamlakatlari va Yo‘nalishi “bo‘yicha
13-T23 guruh Talabasi **Rahimov Javlon.**
Email com: RahimovJavlon325@gmail.com.*

ANOTATSIYA: ushbu maqolada Mahmud G‘aznaviyning har bir yurishlari, zabt etgan hududlari, Tamg‘achxon, Qodirxon bilan olib borgan diplomatik munosabatlari, shuningdek, ilm-fanga qo‘shgan hissasi haqidagi ma‘lumotlar yoritilgan.

Kalit so‘zlar: G‘azna shahri, sulton unvoni, dengiz floti, qattiq intizom, 32 ta harbiy unvon, diplomatik munosabat, ilm-fan, madrasa, ma‘naviy ulug‘vorlik.

Tariximiz bizning milliy g‘ururimiz, shonli sharafimizdir. O‘zbekiston Respublikasi Prezidenti Shavkat Mirziyoyev ta’kidlaganlaridek: “Milliy tarixni milliy ruh bilan yaratish kerak. Biz yoshlarimizni tarixdan saboq olish, xulosa chiqarishga o‘rgatishimiz, ularni tarixiy tafakkur bilan qurollantirishimiz zarur. Tarix institutini bu fanni rivojlantirish bo‘yicha tayanch muassasa etib belgilash kerak”. O‘zbekistonning eng yangi tarixi va biz erishgan olamshumul yutuqlar mard va matonatli xalqimiz, har qanday to‘siq va sinovlarni o‘z kuchi va irodasi bilan yengib o‘tishga qodir deb baralla aytishga to‘la asos beradi⁵. Mahmud G‘aznaviy Abulqosim Mahmud ibn Sobuqtegin (967-1030) haqida to‘xtaladigan bo‘lsak u G‘aznada tavallud topgan turkiy davlat arbobi va harbiy sarkarda. G‘aznaviy davlati hukmdori (998-1030). Mahmud G‘aznaviy Sobuqteginning o‘g‘li bo‘lib, yoshligida otasidan harbiy san‘atni puxta egallagan. Mahmud G‘aznaviy hukmronligi davrida u tomonidan olib borilgan keng ko‘lamdagi istilochilik siyosati natijasida 1186-yilgacha 200 yildan ortiq hukm surgan va faoliyatiga g‘uriylar nuqta qo‘ygan buyuk g‘aznaviy davlati barpo etildi. Mahmud G‘aznaviy hukmronligidagi yuksalish davrida g‘aznaviy davlatining

chegaralari g'arbda va shimoli-g'arbda Ray va Isfaxon shaharlari hamda Orol dengizi bilan birga g'arbiy Erongacha cho'zilgan, janubi-sharqda Hindistonning kattagina qismini o'z ichiga olgan edi. V.V.Bartoldning ma'lumotlariga ko'ra, Mahmud G'aznaviy 999-yilning oktyabr-noyabr oylarida tantanali ravishda taxtga o'tirgan. Boshqa tadqiqotchi K.E.Bosvort esa bu voqea 998-yilda sodir bo'lgan deb ko'rsatadi. Bu davrda Mahmud G'aznaviy xalifa Muqaddirdan Xurosonni boshqarish uchun yorliq hamda "Saltanat tayanchi va musulmonlar jamiyatining ishonchli vakili" faxriy unvoni bilan taqdirlandi. G'aznaviy davlati chegaralarini kengaytirishga qaratilgan o'z siyosatini Mahmud G'aznaviy 998-yil boshidayoq Janubiy Toxariston hozirgi Shimoliy Afg'oniston hududini uzil-kesil o'z mulkiga qo'shib olish bilan amalga oshira boshladi⁶. Shundan keyin Mahmud G'aznaviy somoniylarning Xurosondagi barcha mulklariga ko'z tikadi. Bu da'vosini u o'sha yilning o'zidayoq Nishopur shahri bilan birgalikda butun Xurosonni istilo qilish orqali amalga oshirdi. Lekin u ko'p o'tmay Hirotni o'z qo'lida saqlab o'zaro kelishuvga muvofiq somoniylar sarkardasi Bektuzun foydasiga Nishopurdan voz kechadi. 999-yil 16-may Marv yaqinida bo'lgan jangda somoniy sarkardalardan bo'lgan Foyiq va Bektuzning birlashgan qo'shinini tor-mor qilganidan keyin butun Xuroson uzil-kesil Mahmud G'aznaviy qo'l ostida o'tdi. Amudaryo vohasi, Termiz shahri ham Mahmud G'aznaviy qo'l ostida bo'lgan. Bu yerda G'aznaviy tomonidan noib va qal'a qutvoli tayinlangan.

Bu g'aznaviy larga Amudaryo orqali o'tadigan asosiy kechuvlar va Termiz orqali Markaziy Osiyodan Hindistonga olib borilgan muhim savdo yo'lini nazorat qilish imkonini bergan. G'aznaviy lar va qoraxoniylar o'rtasidagi shimoliy chegara sifatida Amudaryo e'tirof etilgan. 1008-yil 4-yanvar yakshanba kuni Balx yaqinida bo'lgan janda Mahmud G'aznaviy tomonidan qoraxoniylar qo'shinining tor-mor etilishi bilan qoraxoniylarning Xurosonga qilib turadigan hujumlariga vaqtincha chek qo'yilgan. Xorazm yurishi oldidan Mahmud G'aznaviy vaziri tomonidan Termiz, Qubodiyon, Xuttalonda kemalarni jangga tayyorlash, Omulda esa qo'shin uchun oziq-ovqat to'plashga buyuruq bergan. Mahmud G'aznaviy 1025-yilda Samarqandga yurishi vaqtida Qodirxon bilan boshqa qoraxoniy hukmdor Aliteginga qarshi yo'naltirilgan ittifoqchilik shartnomasini tuzdi. Mahmud G'aznaviyning g'arbdagi istilochilik harakatlari 1002-yildan Seyistonni o'z mulkiga qo'shib olish bilan boshlandi. 1010-1011 yillarda esa Afg'onistonning shimolidagi tog' viloyati G'urni qo'lga kiritdi. Mahmud G'aznaviy hukmronligi davrida Xorazm, Xuroson, Seyiston, Kobul, G'azna, Shimoliy Hindiston kabi viloyatlar va makonlar g'aznaviy lar izmida bo'lgan⁷. Mahmud G'aznaviy o'z hukmronligi davrida yashin tezligida harakat qiladigan o'z davrining qudratli qo'shiniga tayandi. Harbiy xizmatchilarning hammasi davlat hisobidan yetarli miqdorda maosh bilan taminlandi. Olim Homidjon Homidiyning yozishicha, "Sulton Mahmud davlat idora xay'atida ham, viloyat hokimlari devonidayu, qo'shin sarkardalari orasida qattiq intizom orqasidan jiddiy nazorat

oʻrnatgan boʻlib, mahalliy hokimlarning ichki va tashqi ahvolidan maʼlumot yetkazib turuvchi maxsus mahkama tashkil etgandi. Uning qoʻshinida bir necha yuz jangovar fillar, daryolarni kechib oʻtish uchun suzuvchi soʻllar boʻlgan ekan. Sulton lashkarining asosiy qismini harbiy hunarlar oʻrgatilgan qullar tashkil qilgani manbalarda qayd etilgan. Mahmud Gʻaznaviy eng zamonaviy qurollar bilan taminlangan 32 harbiy hunar oʻrgatilgan yuksak jangovar ruhdagi yuz minglab suvoriy va piyoda lashkarlarga ega edi”. Metindek intizom, qattiqoʻllik va talabchanlik siyosatiga asoslangan Mahmud Gʻaznaviyning harbiy yurishlariga uncha hech bir kuch bas kela olmasdi. U Hindistonga 17 marta yurish qilib Panjob, Kashmir va boshqa viloyatlarni egallab behisob boyliklarni qoʻlga kiritdi. Mahmud Gʻaznaviyning lashkarlari bosib olingan shaharlardagi oltin haykallarni, ibodatxonalardagi qimmatbaho buyumlarni, minglab erkak-ayol asirlarni olib ketar edilar. Mahmud Gʻaznaviy 1019-yilda oʻz yurishlarining birida Kanauja shahridan 20 millon dirham, 57 ming qul va 350 ta fil keltirgan. Asirlar sotilmagan ham, oʻldirilmagan ham balki ularni islom diniga kiritib yangi qoʻshinlar tuzganlar⁸. Harbiy yurishlarda Mahmud Gʻaznaviy erishgan gʻalabalar va qoʻlga kiritgan behisob boyliklar gʻaznaviy davlatining obroʻ-eʼtiborini tobora oshirib bordi. Hatto qoraxoniylar xoni ham Mahmud Gʻaznaviy bilan hisoblashardi. Oʻz navbatida Mahmud Gʻaznaviy ham harbiy yurishlarda xotirjam boʻlish uchun qoraxoniylar hukmdorlari bilan yaxshi muomala qilar va kelishardi. 1025-yilda Mahmud Gʻaznaviy bilan tamgʻachxon Qodir Samarqand yonida shaxsan uchrashdilar. XI asrda yashagan fors tarixchisi Gardiziy “Zayn al axbor” kitobida bir voqeani hikoya qiladi. Har ikki podshoh uchrashuv chogʻida bir-birlariga oʻzaro mulozamatlardan soʻng qimmatbaho javohir toshlarni sovgʻa qildilar. Mahmud Gʻaznaviy birinchi uchrashuvdayoq Qodirxonning siyosiy diplomatiyada savodsizligi, sodda odam sifatida qoʻpolligini koʻrgach, oʻzining muomalasi, mehmondoʻstligi, hashamati, boyligi va zebi-ziynatlari bilan lol qoldirmoqchi boʻldi. Mahmud Gʻaznaviy Qodirxon uchun oltinlar bilan bezatilgan chodir tayyorlatib uning ichki va tashqi tomonlarini hayratomuz tarzda yasattirdi. Chodir haqiqatdan kutilganidan ham ortiqcha salobat va goʻzallik bilan bezatildi. Mahmud Gʻaznaviy tayyorlagan turli-tuman sovgʻalar Qodirxonni lol qoldirdi. Bu qarorgohga yetib kelgach Qodirxon bu bebaho sovgʻalarni koʻrgach Mahmud Gʻaznaviydek saxiy va qudratli podshoh oldida uyalib qolmaslik uchun oʻz qoʻl ostidagi barcha boyliklarni toʻplashga buyuruq beradi. Qodirxon juda koʻp miqdorda pul, oltinlar bilan bezatilgan egar-jabuq va boshqa boyliklarni yigʻib Mahmud Gʻaznaviyga yuboradi. Bu Mahmud Gʻaznaviyning katta diplomatik gʻalabasi edi. Hikoya qiladilarki Mahmud Gʻaznaviy doim may isteʼmol qilishidan yuzi sariq ekan. Qiyofasi xunuk, yuzi tortilgan, boʻyni uzun, burni choʻziq ekan. Bir kuni u ertalab u oʻz xujrasida namoz oʻqish uchun oʻtiradi. Oldiga oyna va taroq qoʻyilgan, bir qul ham xizmatiga hozir edi. Vaziri Ahmad Xasan xujra eshigidan kirib salom beradi. U

Mahmud G‘aznaviyning yoniga o‘tiradi. Mahmud G‘aznaviy oynaga qarab o‘z yuzini ko‘rib tabassum qilib deydi: “Bilasanmi odamlar meni yomon ko‘radi deb qo‘rqaman, chunki chiroyli emasman. Odamlar odatda go‘zal yuzli shohlarni yaxshi ko‘radi. Endi men nima qilishim kerak?”. Shunda vaziri Ahmad Xasan javob beradi: “Oltinni dushman deb bil. Shunda odamlar seni o‘zlariga do‘st tutadi. Mahmud xayru-saxovat bilan taom yeyishga qo‘l uradi va odamlar uni yaxshi ko‘rib maqtaydilar. Unga buyuk ishlar va xazinalar nasib qiladi. Bir kuni Mahmud G‘aznaviy vaziri Ahmad Xasanga aytadi: “Men oltin-u kumushdan qo‘l tortimu, ikki olam qo‘l ostimga o‘tdi. Dunyo boyligini hech narsa deb bildim va ikki jahonda aziz bo‘ldim”. Sulton degan nom hali u paytda yo‘q edi. Islom olamida eng birinchi bo‘lib “Sulton” nomini Mahmud G‘aznaviy olgan ekan⁹. U xudoni sevuchi va limning do‘sti, odil, pokdin va g‘oziy shoh edi. Mahmud G‘aznaviy Hindiston va boshqa yurtlardan olib kelingan o‘ljalarni ko‘p hollarda obadonchilik hamda qurilish ishlariga sarflagan. U G‘aznada davlat madrasasi, mashhur jome masjidi, ulkan suv to‘g‘oni inshootlar barpo ettiradi. G‘azna tez orada shrqning eng go‘zal va obod shaharlaridan biriga aylanadi. Sulton Balx va Nishopurda ham bir qator qurilish ishlarini amalga oshirgan. Mahmud G‘aznaviyning o‘zi turkiy, arab, fors tillarini mukammal bilgan, she‘riyatdan xabardor bo‘lgan. Uning saroyida Farruxiy, Utbiy, Gardiziy, Bayhaqiy va shu singari shoir va tarixchilar ham faoliyat ko‘rsatishgan. Beruniyning eng sara asarlari ham G‘aznada dunyoga kelgan. Beruniy Mahmud G‘aznaviy bilan ko‘pgina yurishlarda ishtirok etgan. XI asr muallifi Nizomiy Aruziy Samarqandiy o‘zining “Chahor maqola” nomli asarida Beruniy bilan Mahmud G‘aznaviy o‘rtasida ancha iliq munosabat bo‘lganligini ta’kidlaydi. Mahmud G‘aznaviy otasi Sobuqtegin yozib qoldirgan “Ma’naviy ulug‘vorlik bamisoli alanga va shamol, bularning harakat va parvoz xususiyati bor. Maishat esa qiya yerdagi qum uyumiga o‘xshash uning tubanlikka surilish xususiyati bor” degan nasixatiga ko‘ra ilm-fan sohasiga ham katta e’tibor bilan qaragan¹⁰. Mahmud G‘aznaviy 1019-yili musulmon olamida ilk davlat madrasasini ochib unga noyob qo‘lyozmalarni to‘platgan. Aslida Abul Qosim ismli fors shoiriga Firdafsiy taxallusini bergan ham Mahmud G‘aznaviy hisoblanadi. Sulton avval Firdafsiyga ijobiy munosabatda bo‘lgan. Lekin shoir ijodi uchun munosib haq olmaganligini ro‘kach qilib berilgan 60 000 kumush dirhamni aholiga taqatish orqali hurmatsizlik ko‘rsatgach Sulton bundan qattiq g‘azablanadi va uni o‘limga hukm qiladi. Ammo Firdafsiyning tavbatazarrusidan keyin ko‘ngli yumshab, hukmni bekor qiladi va uni shahardan chiqib ketishiga buyuruq beradi. Mahmud G‘aznaviy Abu Ali Ibn Sinoning ham o‘z saroyida xizmat qilishini hohlagan. O‘z vaqtida xorazmshoh Ma‘mundan boshqa olimlar qatorida uni G‘aznada yuborishini talab qilgan. Lekin Ibn Sino Mahmud G‘aznaviy saroyida xizmat qilishni istamay Xorazmdan qochishga qaror qiladi. Mahmud G‘aznaviy Ibn Sinoni o‘z saroyiga jalb etishga ko‘p urinadi. Hatto uning siymosini 40 nusxada qog‘ozga ko‘chirtirib qanday qilib bo‘lmasin uni topib keltirishga farmon beradi. Sulton

Mahmud G‘aznaviylar davlatining ustuni edi. Mahmud G‘aznaviy davrida kuchli qo‘shin yuzaga kelgan. Mahmud G‘aznaviyning hukmronlik qilgan davri (998-1030) ham muhim ahamiyatga ega bo‘lib, G‘aznaviylar davlatining davlatchilik taraqqiyotida yuksak o‘rniga ega. Chunki, Mahmud G‘aznaviy ko‘pgina harbiy yurishlari orqali yangi hududlarni zabt etib o‘z davlat tasarrufiga kiritgan. Shuningdek, Mahmud G‘aznaviy o‘z davlatining poytaxti G‘aznada nodir kitoblardan katta kutubxona to‘plagan. Bu davrda islom madaniyati va islom dini tarqalishiga katta hissa qo‘shgan. O‘z saroyida 400 dan ortiq olimlar, shoirlar va san’atkorlarni to‘plab ularga homiylik qilgan. Qudratli va jangovar harbiy qo‘shin hamda dengiz flotiga ega bo‘lgan. Sharq allomalarining asarlarida Mahmud G‘aznaviy adolatli va fuqaroparvar podsho, dushmanga nisbatan shavqatsiz sarkarda sifatida tasvirlanadi.

Mahmud G‘aznaviy Bag‘dod xalifasi al-Qodirxon “Davlatning o‘ng qo‘li va millatning ishonchi” degan faxriy unvon olgan. Xulosa qilib aytadigan bo‘lsak, Mahmud G‘aznaviyning tarixiy faoliyatini o‘rganishda amalga oshirgan harbiy yurishlari, zabt etgan hududlari, Tamg‘achxon Qodirxon bilan olib borgan diplomatik munosabatlari, shuningdek ilm-fanga qo‘shgan hissasi haqida tanishib chiqdik. Mahmud G‘aznaviyning tarixiy faoliyatini o‘rganish jarayonida Nizomulmulkning “Siyosatnoma” asarida Mahmud G‘aznaviy islom olamida eng birinchi bo‘lib “Sulton” nomini olgani, xudoni sevuchi va ilimning do‘sti, pokdin va g‘oziy shoh ekanligi haqidagi ma’lumotlarni bu asarni o‘qishimiz jarayonida o‘zimiz uchun yangilik sifatida bilib oldik. Shuningdek, D.A.Alimova va E.V.Rtvladzening “O‘zbekiston davlatchiligi tarixi ocherklari” kitobi bilan tanishib chiqqanimizda Mahmud G‘aznaviy hukmronligi davrida G‘aznaviylar davlatining chegaralari g‘arbda va shimoli-g‘arbda Ray va Isfaxon shaharlari, hamda Orol dengizi bilan birga G‘arbiy Erongacha cho‘zilganligi, janubi-sharqda esa Hindistonning katta qismini o‘z ichiga olganligi, Mahmud G‘aznaviy g‘aznaviylar davlatining chegaralarini kengaytirishga qaratilgan o‘z siyosatini 998-yil boshidayoq Janubiy Toxariston hududini o‘z mulkiga qo‘shib olish bilan amalga oshira boshlaganligi, shundan keyin Mahmud G‘aznaviy somoniylarning Xurosondagi barcha viloyatlariga ko‘z tikkanligi haqidagi ma’lumotlarni ham bilib oldik. Azmat Ziyoning “O‘zbek davlatchiligi tarixi” kitobini o‘qishimiz jarayonida Mahmud G‘aznaviy eng zamonaviy qurollar bilan taminlangan 32 harbiy hunar o‘rgatilgan yuksak jangovar ruhdagi yuz minglab suvoriy va piyoda lashkarlarga ega bo‘lganligi haqidagi ma’lumotlarni yangilik sifatida bilib oldik. Xulosamiz so‘nggida shuni №4 2022 106 ishonch bilan ayta olamizki, Mahmud G‘aznaviy g‘aznaviylar davlatchiligi tarixida yuksak munosib o‘rniga ega hukmdor sifatida qoldi. Shuningdek, Mahmud G‘aznaviy g‘aznaviylar davlatining davlat sifatida shakllanishida bevosita ishtirok etib davlat taraqqiyotining yuksalishiga katta hissa qo‘shdi.

FOYDALANILGAN ADABIYOTLAR.

1. O‘zbekiston Respublikasi Prezidenti Sh.M.Mirziyoyevning “Erkin va farovon demokratik O‘zbekiston davlatini birgalikda barpo etamiz”. O‘zbekiston T-2016
2. Nizomulmulk “Siyosatnoma”. Yangi asr avlodi T-2008
3. D.A.Alimova, E.V.Rtvladze “O‘zbekiston davlatchiligi tarixi ocherklari”. Sharq T-2001
4. Anatoliy Sagdullayev “O‘zbekiston tarixi”. Vneshinvestprom T-2019
5. Azamat Ziyov “O‘zbek davlatchiligi tarixi”. Sharq T-2000
6. Karimov Shodi, Shamsutdinov Rustambek “Vatan tarixi”. Sharq T-2010